






**ХОЛБОО НАВИГАЦИ АЖИГЛАЛТЫН АЛБА БОЛОН ЭЙ СИ ЭЙЧ СЕРВИСЕС  
ХХК-НЫ ХООРОНДЫН ХАНБУМБАТ НИСЭХ БУУДЛЫН ГЭРЭЛ СУУЛТЫН  
СИСТЕМИЙН АШИГЛАЛТ, АЖИЛ ҮЙЛЧИЛГЭЭНИЙ ТАЛААР ХАРИЛЦАН  
АЖИЛЛАГААНЫ ЗОХИЦУУЛАЛТЫН ЖУРАМ**

**БАРИМТ БИЧГИЙН БАТАЛГААЖУУЛАЛТ**

	Албан тушаал, нэр, гарын үсэг	Огноо
Баталсан	<p>ХОЛБОО, НАВИГАЦИ, АЖИГЛАЛТЫН АЛБАНЫ ДАРГА</p>  <p> Д.БАЯРТОГТОХ</p> <p>ЭЙ СИ ЭЙЧ СЕРВИСЕС ХХК-НЫ ЕРӨНХИЙ ЗАХИРАЛ</p>  <p> М.МЭНДБАЯР</p>	
Боловсруулсан	<p>ХНАА-НЫ ТЕХНИКИЙН ТӨЛӨВЛӨЛТ, ИНЖЕНЕРИНГИЙН ХЭСГИЙН ДАРГА</p> <p> Г.БАТТӨГС</p> <p>ЭЙ СИ ЭЙЧ СЕРВИСЕС ХХК-НЫ ҮЙЛДВЭРЛЭЛ, ҮЙЛЧИЛГЭЭ ХАРИУЦСАН ГҮЙЦЭТГЭХ ЗАХИРАЛ</p> <p> Б.МӨНХЖАРГАЛ</p>	

**ӨӨРЧЛӨЛТИЙН БҮРТГЭЛ**

Өөрчлөлтийн дугаар	Хэвлэсэн огноо	Өөрчлөлтийн товч утга	Хуудас
01	2015.02.05	Анхны хувилбар	-
02	2018.08.23	1. Техник хангалт, навигацийн үйлчилгээний алба /ТХНҮА/-ны нэр өөрчлөгдөж Холбоо, навигаци, ажиглалтын алба /ХНАА/ болсон. 2. Шинээр 4.3.1-4.3.3 заалтууд болон 5. Харилцах хаяг гэсэн хэсэг нэмэгдсэн. 3. 4.4, 4.5 заалтууд хасагдсан.	Бүгд

## **1. Ерөнхий зүйл**

- 1.1. Нэг талаас Эй Си Эйч Сервисес ХХК (цаашид Захиалагч гэх) нөгөө талаас ИНЕГ-ын Холбоо, навигаци, ажиглалтын алба (цаашид Гүйцэтгэгч гэх) нар нь ИНЕГ ба Эй Си Эйч Сервисес ХХК-ийн хооронд байгуулсан 55/17 тоот Хамтран ажиллах гэрээний хэрэгжилтийг ИНД-171-ийн хувьд бүрэн хангуулах зорилгоор Ханбумбат нисэх буудлын ПАПИ болон гэрэл суултын системийн ашиглалт, үзлэг шалгалт, техник үйлчилгээг хийх, түүнд хяналт тавих, гэрэл суултын системийн үйл ажиллагааны тухай мэдээллээр өдөр тутам хангах, техник үйлчилгээ хийх инженер, техникийн ажилтнуудыг томилолтоор ажиллуулах зэрэг үйл ажиллагааг зохицуулахад энэхүү журмын зорилго оршино.

## **2. Гүйцэтгэгчийн эрх, үүрэг**

- 2.1. Гүйцэтгэгчийн холбооны ээлжийн инженер нь Ханбумбат нисэх буудалд ажиллах хугацаандаа Захиалагчийн гэрэл суултын техникчийг удирдлагаар хангаж ажиллах ба гэрэл суултын системийн өдөр тутмын үзлэг шалгалтын үр дүнгийн талаарх мэдээллийг Холбоо, навигаци, ажиглалтын албанд дамжуулах үйл ажиллагаанд хяналт тавина.
- 2.2. Гүйцэтгэгч нь ИНЕГ-ын харьяа орон нутгийн нисэх буудлуудын гэрэл суултын системд хийгдэх үзлэг шалгалт, хэмжилт, техник үйлчилгээний ажлын төлөвлөгөөнд Ханбумбат нисэх буудлын тоног төхөөрөмжүүдэд хийх үзлэг шалгалт, техник үйлчилгээний хуваарийг тусгаж, төлөвлөгөөний хувийг захиалагчид албан бичгээр хүргүүлнэ.
- 2.3. Гүйцэтгэгч нь Ханбумбат нисэх буудлын гэрэл суултын тоног төхөөрөмжүүдэд хийгдэх хуваарьт үзлэг шалгалт, техник үйлчилгээний ажлуудыг хийж гүйцэтгэхэд шаардагдах кабель, сэлбэг, материалын жагсаалтыг Захиалагчид хүргүүлэх, цаг хугацаанд нь нийлүүлэхийг шаардах эрхтэй.
- 2.4. Гүйцэтгэгч нь батлагдсан төлөвлөгөө, Захиалагчаас ирүүлсэн захиалгын дагуу Гэрэл суултын системд хуваарьт үзлэг шалгалт, техник үйлчилгээ хийхээр инженер техникийн ажилтныг томилон ажиллуулах бөгөөд гэмтэл саатал гарсан тохиолдолд засварлах арга хэмжээг шуурхай зохион байгуулахад бүх талын туслалцаа үзүүлэн ажиллана.
- 2.5. Томилолтоор ажиллах инженер техникийн ажилтан нар нь иргэний үнэмлэх, мэргэжлийн үнэмлэхний хуулбараа Захиалагчид урьдчилан хүргүүлэн томилолтоо нээлгэж, суудал захиалгаа баталгаажуулна.
- 2.6. Батлагдсан хуваарийн дагуу Ханбумбат нисэх буудлын гэрэл суултын системд тест, хэмжилт, үзлэг шалгалт, техник үйлчилгээний ажлыг чанарын өндөр түвшинд, холбогдох Техник ашиглалтын заавар, стандарт журмын дагуу хийж гүйцэтгэнэ.
- 2.7. Гүйцэтгэгч нь гэрэл суултын системд тест, хэмжилт, шалгалт, тохируулга, техник үйлчилгээний ажлыг гүйцэтгэхэд шаардлагатай хэмжилтийн тоног төхөөрөмж, багаж хэрэгсэлтэй байна.
- 2.8. Тус нисэх буудлын гэрэл суултын систем, тоног төхөөрөмжүүдэд хуваарийн дагуу хийсэн тест, хэмжилт, үзлэг шалгалт, техник үйлчилгээ болон илэрсэн гэмтэл, хийж гүйцэтгэсэн засвар үйлчилгээний ажлын тухай дэлгэрэнгүй



тайлан, заавар зөвлөмжийг Захиалагчид бичгээр хүргүүлнэ. Тайланд дараах зүйлсийг тусгасан байна.

Үүнд:

- Тест, хэмжилтийн үр дүн,
- Тохиргооны үр дүн,
- Тоног төхөөрөмжийн гэмтлийн тодорхойлолт,
- Ашиглагдсан сэлбэг материал,
- Засварын дараах үр дүнгийн тодорхойлолт,
- Гүйцэтгэсэн инженер техникийн ажилтан нэр, гарын үсэг гэх мэт.

- 2.9. Гүйцэтгэгч нь гэрэл суултын системийн тоног төхөөрөмжийн хэвийн ажиллагааг хангахад шаардлагатай сэлбэг материалын жагсаалтыг гаргаж Захиалагчид албан бичгээр хүргүүлнэ.
- 2.10. Томилолтоор ажиллаж буй инженер техинкийн ажилтнууд нь ажиллах хугацаандаа мэргэжлийн удирдлагын хувьд харьяа алба, салбарынхаа удирдлага доор үйл ажиллагаа явуулна.
- 2.11. Томилогдсон ажилтан нь Оюу Толгой Кемпэд амьдрах хугацаандаа кемпийн дотоод дүрэм журмыг мөрдөнө.

### **3. Захиалагчийн эрх, үүрэг**

- 3.1 Захиалагчийн гэрэл суултын техникч нь тус нисэх буудлын гэрэл суултын системд өдөр тутмын үзлэг шалгалт, техник үйлчилгээг хийх бөгөөд Гүйцэтгэгчийн холбооны инженерийн удирдлага доор шаардлагатай мэдээлэл, тайланг Гүйцэтгэгчид хүргүүлнэ.
- 3.2 Захиалагч нь гэрэл суултын системийн тоног төхөөрөмжид гэмтэл саатал гарсан үед болон хуваарьт үзлэг шалгалт, техник үйлчилгээний төлөвлөсөн хугацаа болохоос 14 хоногийн өмнө Гүйцэтгэгчид урьдчилан албан бичгээр захиалгыг хүргүүлнэ.
- 3.3 Захиалагч нь Гүйцэтгэгчээс томилогдсон инженер техникийн ажилтны хээрийн нэмэгдэл, унаа, байр, хоол, ачаа тээшний зардлыг ИНЕГ-тай байгуулсан гэрээний дагуу хариуцана.
- 3.4 Захиалагч нь Гүйцэтгэгчийн инженер техникийн ажилтныг гэрэл суултын системд үзлэг шалгалт, техник үйлчилгээ хийхэд шаардлагатай сэлбэг материал, унаа, туслах ажилтнаар хангана.
- 3.5 Захиалагч нь тус нисэх буудлын гэрэл суултын системийн хэвийн, найдвартай үйл ажиллагааг хангах зорилгоор Гүйцэтгэгчийн тавьсан хүсэлт, зөвлөмж, шаардлагыг биелүүлж ажиллана.
- 3.6 Захиалагч нь гэрэл суултын системийн хэвийн найдвартай ажиллагааг хангахад шаардагдах сэлбэг, материалыг гүйцэтгэгчийн гаргасан жагсаалтын дагуу урьдчилан бүрдүүлсэн байх ба шаардлагатай үед ашиглах нөхцөл бололцоогоор хангана.
- 3.7 Захиалагч нь Гүйцэтгэгчийн инженер техникийн ажилтнуудын хийж буй хуваарьт үзлэг шалгалт, техникийн үйлчилгээ, засварын ажлын чанарт хяналт тавих, шаардлага тавих эрхтэй.

- 3.8 Захиалагч нь гэрэл суултын системд үзлэг шалгалт, техникийн засвар үйлчилгээний ажлын тайланг цаг тухайд нь өгөхийг Гүйцэтгэгчээс шаардах эрхтэй.
- 3.9 Захиалагч нь Гүйцэтгэгчийн инженер техникийн ажилтнаас Оюу Толгой кемпийн дотоод журмыг мөрдөхийг шаардах эрхтэй.

#### **4. Нийтлэг үүрэг хариуцлага**

- 4.1 Оюу Толгой кемпийн дүрэм журмыг мөрдөөгүйн улмаас ажил үүргээ биелүүлээгүй боловч буцаах арга хэмжээ авагдсан бол захиалсан ажлыг хийж дуусгаагүйгээс гарах нэмэлт зардлыг Захиалагч тал хариуцахгүй.
- 4.2 Гэрэл суултын системийн техник үйлчилгээ, засварын ажлын явцад нэмэлт ажил гүйцэтгэх шаардлага гарвал Гүйцэтгэгчийн техникийн ажилтны томилолтыг сунгах, үүнтэй холбогдох зардлыг Захиалагч тал хариуцна.
- 4.3 Захиалагчийн инженер техникийн ажилтны мэргэжлийн ур чадвар, сургалтын талаар:
- 4.3.1 Тоног төхөөрөмжийг хариуцан ажиллаж байгаа захиалагчийн инженер техникийн ажилтнууд нь мэргэжлийн боловсролын талаар шаардлага хангаж, Гэрэл суулт, цахилгааны техникчийн сургалтад хамрагдсаныг баталгаажуулж Нисэхийн сургалтын төвөөс олгосон гэрчилгээтэй байна.
- 4.3.2 Дээрх гэрчилгээ нь олгогдсон өдрөөс хоёр жилийн хугацаанд хүчинтэйд тооцогдоно. /Давтан сургалтад хоёр жил тутамд хамрагдана./
- 4.3.3 Захиалагч нь инженер техникийн ажилтнуудаа төлөвлөгөөт болон төлөвлөгөөт бус сургалтад хамруулах хүсэлтээ Нисэхийн сургалтын төвд урьдчилан албан бичгээр хүргүүлнэ.
- 4.4 Талууд энэхүү журамд нэмэлт өөрчлөлт оруулах хүсэлтээ 14 хоногийн өмнө бичгээр хүргүүлнэ.
- 4.5 Журамд нэмэлт өөрчлөлт оруулах талаар хоёр тал хэлэлцэн тохиролцож, ажлын долоо хоногийн дотор эцэслэн шийдвэрлэнэ.

#### **5. Харилцах хаяг**

##### **ЭЙ СИ ЭЙЧ СЕРВИСЕС ХХК**

Энхтайвны өргөн чөлөө-36, УЖМ  
байр, 2 давхар, 201 тоот.  
Улаанбаатар 14250 Ш/Х 761  
Утас: 70009767  
Гар утас: 99119767, 99122273  
E-mail: [ops@achservices.biz](mailto:ops@achservices.biz)

##### **ХОЛБОО, НАВИГАЦИ, АЖИГЛАЛТЫН АЛБА**

Буянт-Ухаа, Улаанбаатар-34,  
Хан-Уул дүүрэг  
Ш/Х-25, 10 дугаар хороо  
Утас: 281659, 281603, 281604  
Факс: 70049785  
E-mail: [cns\\_office@mcaa.gov.mn](mailto:cns_office@mcaa.gov.mn)